

Vuengzdaeq Youh Deng Yaeuh Lo

皇帝又被骗了

Dajswih vuengzdaeq baezgonq deng yaeuh le, de couh bienqbaenz siujsim riri, gizgiz daezfuengz bouxyaeuh, hojsik ngoenzndei mbouj nanz, baez neix, de youh deng yaeuh lo.

Vuengzdaeq youq rog singzbauj youzbyaij seiz yawjraen mbaw ciubinq gvangigau ndeu, gwnzde sij naeuz: “Swngdancez Gunghswih yaek ciuyungh bouxgaemsoq song bak boux, bi cienzhong cib fanh maenz! Lienzhaeh dienhvah: 8524454; conzcin: 8544247; QQ: 512431564; youzsieng: sdj@126.com.” Vuengzdaeq raemh doeg sam baez, angq-vauvau ngeix: Va! Cienzhong caen sang ho! Danghnaeuz gou baij boux vunz ndeu bae guhhong, haenx gou bi ndeu couh canh ndaej haj fanh maenz! Danghnaeuz caiq lai baij di vunz, yienghhaenx couh ndaej…… De deq mbouj gib mbon aen soujgih okdaej, bued doeng dienhvah: “Vei, cingj cam dwg Swngdancez Gunghswih lwi?” “Dwg ha.” Ndaw dienhvah cienz daej gij sing boux vunzsai cungnienz ndeu, “Mwngz dwg siengj wngqbinq bouxgaemsoq ha?” “W, dengdeng!” Vuengzdaeq

gipmuengz han de, “Gou gizneix cingqngamj miz song bak boux yenzgungh rox gaemsoq. Dou seizlawz ndaej bae mienhsawq?” Bouxsai cungnienz simdingh cubcub han naeuz: “Ngoenzcog, youq ndaw aen veiyisiz Baujlunz Daciujden.”

Vuengzdaeq angqvauvau han naeuz: “Yiengh-haenx, dou ngoenzcog couh daej mienhsawq!” “Gaej gip bw! Sou sien gyau song cien maenz cienzbuh, gij buhvaq dou gaugaep raixcaix! Mbouj miz buhvaq mbouj nyinh vunz! Couh yungh ngaenzhangzgaj geiq cienz daej hawj gou ba. Itgungh dwg seiqcib fanh maenz.” Mbouj siengj daengz, ndaek vuengzdaeq damcaiz neix lij caengz yawj ok gij hongx de ne! De sangjbak couh dapwngq lo.

Ngoenz daihngaih, vuengzdaeq raen yiengh-yiengh cungj anbaiz dojdangq lo, angqfwngfwng hawj mbiengjide dwk dienhvah. Hoeng de baenzlawz siengj ndaej daengz, ndaw dienhvah cienz gij sing daej dwg yienghneix: “Gij haumaj mwngz bueddwk haenx dwg hauhoengq!” De deng hwk dwk doek-



saetyat, ganjaenj yungh QQ haumaj caeq cenzcin lienzhaeh baez ndeu, hoeng baelawz lij miz vunz han dem! Seizneix de cij roxdaengz swheij con haeuj aenhongx vunz bae lo.

Aen gojgaeq neix lwnh raeuz nyi, gaej dam caiz lai bw.

(bouxzij Cai Veiminj bouxhoiz Goenggen)

Caeklaiq, vihliux aen mingzdaeuz hingzsingh iq B612, boux guekvuengz Dujwjgiz fatlingh gaemh vunz lai daenj buhvaq Ouhcouh, bouxlawz mbouj daenj cix gaj dai bae. Daengz bi 1920, boux canghdienfaenz neix daenj dauq buhvaq Ouhcouh gyaundeih he, baezmoq daezok gij lwnhcingq de, baezneix vunz lai cungj saeng de liux lo.



Gou lwnh gij siujsaeh hingzsingh iq B612 neix hawj gyoengqsou nyi, lij raiz gij hauhoq de okdaej dem, dwg vihliux gvenq gyoengq bouxlaux, aenvih doenghgiy bouxlaux neix gyaenz soq. Danghnaeuz mwngz lwnh gyoengqde mwngz gap ndaej boux baengzyoux moq ndeu, gyoengqde mbouj ngah cam mwngz: “Sing de baenz yienghlawz ne? De gyaenz caemz gijmaz ne? De comz biubonj duzmbaj lwi?” Gyoengqde gyaenz cam mwngz: “De geijlai bi ha? De miz geij beixnuengx ha? De naek geijlai gaen ha? Boh de ra ndaej geijlai ngaenz ne?” Gyoengqde laihnaeuz cam rox gijneix cij suenq rox boux baengzyoux neix.

Danghnaeuz mwngz doiq boux-laux naeuz: “Gou yawjraen aen ranz

Lwgvuengziq



bouxraiz Swng' aihgwzshbeilij bouxhoiz Luz Fwncangz

圣埃克苏佩里 著 卢奋长 译

gyaundeih ndeu aeu cien ndinggyaemq caep baenz, gwnz cueng miz gon-dokdom, dingjranz miz roegguxgap douh……” Gyoengq bouxlaux naemj mbouj ok gij yiengh aenranz neix miz geijlai ndei. Hoeng, danghnaeuz mwngz doiq gyoengqde naeuz: “Gou yawjraen aen ranz ndeu dij cib fanh maenz ngaenz Fapguek.” Gyoengqde cix doeksaet naeuz: “Aenranz de geij-lai gyaundeih ha!”

Danghnaeuz mwngz doiq gyoengqde naeuz: “Miz Lwgvuengziq dahraix, de gig mbauqndei, de riu-nyumnyum, siengj aeu duz yiengz ndeu. De siengj aeu duz yiengz iq ndeu, neix couhdwg gij baengzgawq miz Lwgvuengziq dahraix.” Gyoengqde itdingh yungyung aenmbaq, dangq mwngz guh boux lwgnyez ndeu ndwi. Hoeng, danghnaeuz mwngz yienghneix doiq de gangj: “De dwg dai hingzsingh iq B612 daej.” Yienghneix gyoengqde couh saeng mwngz lo, caemhcaiq mbouj cam sam cam sei, mbouj cam gwnz cam laj dem lo. Gyoengq

bouxlaux couh gyaenz yienghneix lo. Gyoengq lwgnyez raeuz wnggai doiq gyoengq bouxlaux dungxgvangq di bw, gaej ienq gyoengqde lai.

Dangyienz, doiq gyoengqraez rox gvaq ndwenngoenz daej gangj, raeuz cix mbouj dawz doenghgiy soqhauq neix cuengq haeuj ndawsim ne. Gou caen nyienh lumj gangj cienzgangj yienghneix daej haindu gangj aen gojgaeq neix, gou caen siengj yienghneix gangj:

“Gaxgonq, miz boux Lwg-vuengziq ndeu, de youq gwnz aen singhgiuz iq ndeu youq, aen singhgiuz iq neix hung mbouj gvaq de geijlai, de muengh miz boux baengzyoux ndeu……” Doiq gij vunz rox gvaq ndwenngoenz haenx daej gangj, yienghneix gangj lai caensaed di.

Gou mbouj gyaenz bouxwnq seizbienh doeg saw gou, aenvih gou raiz gij saeh gaxgonq neix ndawsim gig nanzgvaq. Boux baengzyoux gou daiq duzyiengz de byag gou bae ndaej roek bi lo. Gou youq gizneix

caenhrengz bae raiz de, couh dwg vihliux mbouj lumz de. Lumz baengzyoux sawj vunz daiq siengsim lo. Mbouj dwg bouxboux vunz cungj miz gvaq boux baengzyoux ndeu. Danghnaeuz gou lumz de bae, gou aiq goj bienq lumj bouxlaux yienghde, cij doiq gij soq mizyinx, mbouj gyaenz gijwnq saek di lo……

Aenvih gou mbouj siengj lumz de bae, yienghneix gou couh bae cawx ndaej hab liuhsaek ndeu caeq geij gonj yienzbit. Geq lumj gou yienghneix, caemhcaiq cawzok roek bi seizde veh gvaq baihdaw roxnaeuz baihrog duznuem ndwi, gou mbouj veh gvaq gijwnq gvaq, seizneix dauqungz gaem bit guh veh, caen dwgrengz lai lo. Dangyienz gou itdingh caenhrengz veh de lumj liuxliux bae, hoeng veh baenz mbouj baenz gou caemh mbouj rox bw. Mbangj veh ndaej ndei, mbangj cix yaez. Ndag hung iq goj veh mbouj cinj geijlai, mbangj veh sang di, mbangj cix veh daemq di. Veh saek buhvaq de goj dwgrengz lai, mbouj rox veh deng roxnaeuz mbouj deng. Yienghneix, gou couh sawq yienghneix sawq yienghde, mbangj ndei mbangj yaez, muengh gaej caeq de doxca lai. Danghnaeuz gou veh mbouj ndei, vunz lai goj gaej gvaq gou lai bw. Aenvih boux baengzyoux neix, mbouj ciengz gejnaeuz gijneix gijde hawj gou gvaq. De aiq laihnaeuz gou caeq de doxlumj, caemh goek caemh rag. Hoeng gou caeq de mbouj doxlumj ne, gou yawj mbouj byoengq duzyiengz ndaw hab. Gou daihgaq miz di caeq gyoengq bouxlaux ca mbouj geijlai. Gou itdingh dwg bienq geq lo. (5)